



FAN, TA'LIM VA AMALIYOT INTEGRATSIYASI

ISSN: 2181-1776

Джураева Раъно Бахромбековна¹

¹ Ўзбекистон халқаро ислом академияси катта ўқитувчиси
Тошкент шаҳри

ТАЪЛИМ ТИЗИМИДА СИМУЛЯЦИЯ ВА АНИМАЦИЯ ДАСТУРЛАРИНИ ЖОРӢӢ ЭТИШ

Аннотация: Данная статья посвящена разработке методов тестирования, позволяющих диагностировать психологическую предрасположенность студентов к религиозно-научным взглядам.

Цель работы заключается в разработке удобного и эффективного программного инструмента, который позволяет определять и психодиагностировать предрасположенность молодежи, особенно студентов, к следованию за различными ошибочными религиозными течениями.

Таянч сўзлар: техника психологияси, психологик диагнозтика, психологик диагностик тестлаш, психологик тестлар, виртуал портрет, виртуал психолог, психологик профилактика, техника мантифи.

Талабалар билимини баҳолашнинг компьютер тизими ва ўзлаштириш мониторингини ташкил этиш учун аввало, замонавий таълим тизимида ўқитишнинг сифатини ташхис қилишга, яъни унинг ҳолатини аниқламай туриб, ундаги жараёнларни самарали бошқаришга, таълимда маълум бир мақсадга эришишнинг иложи йўқлиги ҳеч кимда шубҳа туғдирмайди. Талабаларнинг якунловчи билим ва малакаларини таълим жараёнида турли мезонлар ва ёндашувларга таяниб аниқлаш, бу жараёнларга ахборот технологияларини қўйлаш, уларнинг қўйилган дидактик талабларга мослиги ҳақиқийлигини назорат қилиш мумкин. Унда педагогик ташхис талабалар билим, малака ва қўнималарини шаклланиш даражасини аниқлашни, назорат қилишни, баҳолашни, йиғиш ва статистик маълумотларнинг таҳлили ҳамда келгусида бу жараён ривожини башорат қилишни ўз ичига олади. Методик адабиётларда талабалар

ўзлаштиришларининг ташхиси, улар томонидан эришилган ўзлаштиришларнинг даражаси сифатида қайд этиш эканлигига эътиборни қаратсак, унда педагогик ташхиснинг мақсади, таълим жараёни боришини таҳлили ва уни баҳолашни ўз вақтида аниқланишидан иборат бўлади. Маълумки, таълим жараёнини бундай баҳолаш, фақат талабанинг ўзлаштириш даражасини белгилаш билан чегараланиб қолмай, ўқиш жараёнини рағбатлантиришда муҳим педагогик восита ва ижобий мотив уйғотиш билан талаба шахсига кучли таъсир этади. Шу хилда талабани объектив баҳолаш асосида унда адекват равишда ўз-ўзини баҳолаш имкони туғилади ва ўз муваффақиятларига танқидий муносабат шаклланиш қайд этилади. Шу нуқтаи назардан талаба билим, малака ва қўникмаларини баҳолаш, айниқса, билимларни назорат қилишнинг компьютерлаштирилган тизими, замонавий ахборот-педагогик тизимларида, уларда билимни назоратини ташхисий аҳамияти ва ҳаққонийлиги ҳамда самарадорлигини ошириш мақсадида тинимсиз изланишлар ва такомиллаштириш ишларини олиб боришини тақозо қиласди. Мазкур масаланинг ечими ўқитишнинг мақсадига мувофиқ ва ҳаққоний бўлишида, иложи борича аниқ ва асосланган усул сифатида қайд қилинган.

Ўқитиш жараёнида ташхисий текширишлар учун маълум даражада самарали методикани танлашга ёрдам бериши билан муҳим саналади. Билимларни назорат қилишда, унинг башорат этувчи вазифаси, таълим-тарбиявий жараён ҳақида, унинг келажаги, яъни олдиндан кўра билиш мумкин бўлган ҳолати тўғрисидаги ахборотни олиш учун хизмат қиласди. Ўқув жараёнининг маълум босқичида ўқув материалининг маълум бўлаги бўйича мўлжалланган аниқ билим, малака ва қўникмалар етарлича шакллангани ёхуд шаклланмаганлиги башоратини текшириш имконини беради. Маълум илмий башорат бўйича эришилган натижалар талабаларнинг келажакдаги фаолиятлари моделини яратиш учун қўлланилади. Бундай башорат, келажакда ўқитишни режалаштириш ва амалга ошириш учун аниқ хulosалар олишга катта кўмак беради.

Бу ишни амалга оширишда бизларга психологиянинг тестлаш ва шу асосида келиб – чиқувчи таҳлил сифатида диагностика каби методлари самарали тарзда ёрдам беради.

Фаолият натижаларини таҳлил қилиш жараёнида натижанинг ўзи эмас, балки шу натижани ҳосил қилиш билан боғлиқ фаолият психологик жиҳатдан баҳоланади. Бу метод, айниқса, талабалар психологиясида кенг қўлланилади. Талабаларнинг фаолиятини ўрганиш орқали уларнинг психикаси ва тараққиёти ҳақида маълумотлар олинади.

Информатика ва ахборот технологиялари тобора тараққий этиб бораётган техника тараққиёти аслида психологик тестлаш ва диагностика қилиш жараёнларининг ҳам самарадорлиги, тезкорлиги ва қулайлигини ошириш мақсадида ҳозирги кунда психология ва информатика каби бир қарашда бир – бирига мутлақо зиддек туюлган икки қарама – қарши соҳа бир – бири билан ўзаро мустаҳкам алоқада иш юритиб, бир-бирини тўлдириб келмоқда. Зоро, техника психологияси мавжуд бўлгани сингари психологиянинг ҳам ўз техникаси мавжуд. Аникроқ қилиб тушунтирадиган бўлсак, ҳозирги кунда тараққий этган қўплаб техник қурилмалар, дастурий воситаларининг кенг миқёсдаги кўз илгамас даражада мукаммал имкониятлари ва ихтиёрий соҳага жорий қилиш имконияти мавжуд бўлган функциялари ёрдамида ҳозирда турли хилдаги психологик тестлаш, диагностика қилиш ва бошқа шу каби қўплаб

психологик жараён ва ҳодисаларни таҳлил қилиш бўйича дастурлар ва техник аппарат қурилмалари яратилмоқда.

Юқоридаги мулоҳазаларга хулоса ўлароқ Ўзбекистон халқаро ислом академиясининг «Замонавий ахборот коммуникация технологиялари» кафедрасида психологик диагнозтика қилиш бўйича «Талабаларнинг диний илмларга қаршларига мойиллигини психологик диагнозтика қилиш(психологик диагнозтик тестлаш дастури мисолида)» дастур яратилди. Бу дастур оддий диагностик дастурлардан фарқли ўлароқ талабаларнинг маънавий-маърифий ва диний мойиллигининг йўналишини белгилаб берувчи, унга ташхис қилиб, тўғри йўналтириш қобилиятига эга бўлган диагностик тизимdir.

Яратилган дастурга маълумотлар омбори сифатида психологик тестлар тўплами киритилган бўлиб, талаба тестлаш жараёнидан ўтганидан сўнг, натижа сифатида киритилган жавоблар хусусиятидан келиб чиқиб, ўша талабанинг онги нечоғлик ва қай йўсинда ривожланганлиги даражаси, билим савияси ва билимининг кўлами, унда мавжуд билимининг қандай йўналишга эгалиги, яъни тўғри(онгли)ми ёки нотўғри(онгсиз) эканлиги, унинг феълидаги нотўғри оқимларга бўлган мойиллик, оғиш, руҳий ва ақлий оламида шаклланган экстремистик ва террористик хусусиятга эга бўлган ғояларнинг мавжуд ёки мавжуд эмаслиги хақидаги диагноз(ташхис) ҳосил бўлиб, ўша талабанинг жисмоний, руҳий ва ақлий учликдан иборат виртуал портрети ҳосил бўлиши, сўнг, эришилган натижага мувофиқ талабага маслаҳат берувчи “виртуал психолог” тизимdir.

Дастурий тизимнинг асосий мақсад ва вазифалари қўйдагилардан иборат:

- Таълим жараёни субъектларининг шахсий (индивидуал) психологик хусусиятларини ўрганиш;
- Талабаларнинг ижтимоий етуклик ва касбий аҳамиятга молик сифатларини ривожланишини кузатиш;
- Талабаларни касбий таълимга психологик-педагогик тайёргарлигини аниқлаш;
- Талабаларни интеллектуал ва шахс сифатида ривожланишидаги нуқсонларнинг психологик сабабларини аниқлаш;
- Талабаларнинг касбий қобилияти, кўникум, малакалари ва танлаган касбига муносабатини аниқлаш;
- Талабаларнинг ижтимоий роли ва гуруҳ ичида тутган ўрнини аниқлаш ва бошка шу қабилардан иборат.

Психологик ташхис босқичидан сўнг, психологик профилактика жараёни амалга оширилади ва у қўйдагиларни ўз ичига олади:

- ✓ психологнинг гуруҳ раҳбари, тиббий ходим ва мутасадди мутахассислар билан ҳамкорликда талабанинг индивидуаллигини сақлаган ҳолда шахсий ривожланишини таъминлаш;
- ✓ талаба хулқига девиватсия (салбий оғишлар) вужудга келиш сабабларини аниқлаш ва бундай ҳолатларнинг олдини олиш;
- ✓ стресс, депрессия, низо, салбий эмотсионал кечинмалар ҳолатлари юзага келишининг сабабини аниқлаш ва олдини олиш;

- ✓ соғлиги жиҳатидан имконияти чекланган талабаларни психологик қўллаб-куватлаш кабиларни амалга оширади.

Дастурни тўғри структурали ва мантиқ асосида яратилиши дастур ҳам психология ҳам техника мантиғи жиҳатидан мукаммал боғланиши керак бўлади. Тест – бу стандартлаштирилган, кўп ҳолатларда тажриба давомида вақт кўрсаткичи билан чегараланган, миқдорий ва сифатий турдаги хос индивидуал психологик тафовутларни аниқлаш учун мўлжалланган психо диагнозтик усулдир. Тест мақсади шахсларнинг психологик хусусиятларини баҳолаш вазифасини бажарувчи маҳсус хусусиятга эга бўлган қурол тушунилади. У маълум стандарт шарт – шароитларни ҳисобга олган ҳолда, хулқ – авторнинг турли қисмларининг тоифаларини юзага чиқариш учун мўлжалланган шартлар(вазифа) ёки саволлар жамланмасидан ташкил топган бўлади.

Бу психологик диагнозикалаш тест дастури нафақат фойдаланувчининг ақлий ва руҳий оламидаги индивидуал, ўзига хос хусусиятларининг ташхисини қўйиш, кўшимча қизиқарли тестлардан ўтказиш, унга психология соҳасида билимларини оширишга ёрдам бериш, ўзи учун фойдали бўлган адабиётларни етказиб беришга ҳам мўлжалланган тизим вазифасини ўтайди. Тизимнинг энг катта авзалликларидан бири шундан иборатки, унда бир пайтнинг ўзида ҳам тажрибадан ўтувчи учун тестлаш, ишчи режим, ҳам тажрибани кузатувчи учун ташхис режими ишлайди. Яъни бунда тестдан ўтувчи шунчаки ўзим ҳақимда маълумот олиш учун тестдан ўтаяпман деган фикрда тестни самимий жавоблар бериш орқали ишлайди, чунки унга диний мойиллигини текширилишини билдирадиган эслатмалар ҳам, тестлар ҳам берилмайди. Аммо кузатувчи ўзига натижалар асосида унинг ақлий ва руҳий мойиллик даражасини аниқлаш учун етарли маълумотлар олади ва уларни дастур автоматик тарзда маълумотлар базасида қайд этади.

Шулардан келиб чиқсан ҳолда дастурнинг асосий бўлимлари қўйдаги менюлардан иборат:

1. “Дастур ҳақида” менюси;
 2. “Бу қизик” менюси;
 3. “Атамалар” менюси;
 4. “Тавсия этилади” менюси;
 5. “Қидириш ” менюси;
 6. “Тестни бошлаш” менюси;
- 1. “Дастур ҳақида”** менюсида: дастурни ўрнатиш ва ишга тушириш, унинг мақсади ва ундан фойдаланиш қоидалари бўйича ёрдам. Дастурнинг яратувчилари ҳақида маълумотлар мавжуд бўлади. (2-расм).



2-расм. Дастурни ўрнатиш ва ишга тушириш ойнаси.

2. “Бу қизик” менюсида: фойдаланувчилар ўз индивидуал хусусиятлари ва хулқ – атворларининг турли кирраларини аниқлаш имкониятига эга бўлувчи турли мавзулар доирасидаги қизиқарли, ҳазиломус тестлар жамланмасига дуч келадилар. Масалан шундай тестлардан: темпераментни аниқлаш бўйича, турли расм ва шаклли тестлар. Улар тестлаш жараёнидан ўтиб, натижалари юзасида диагнозтика қилинадилар.
3. “Атамалар” менюсида бир нечта юздан ортиқ психология соҳасига доир бўлган термин ва атамаларнинг ўзбек тилидаги таржимаси ва изоҳи билан танишиш имконига эга бўлишингиз мумкин.
4. “Тавсия этилади” менюси – бу ўзида турли хилдаги талабаларнинг ақлий ва руҳий оламини бойитиш учун хизмат қилувчи миллий ва хорижий кўламдаги адабиётлар: маъruzalар, асарлар, дарсликларнинг электрон кўринишдаги кичкинагина виртуал кутубхонасини қамраб олади. Унда: дин, психология, маънавият, маърифат ва бошқа соҳалар доирасидаги фойдали ва қизиқарли адабиётлар мавжуд бўлади.
5. “Қидириш” менюси – бунда сайт кўринишидаги дастуримиздаги мавжуд барча маълумотлар базаларида жойланган барча маълумотларни қидириб топиш имконияти мавжуд. Булардан: психологик атамалар, фойдали адабиётлар, тест турларини, администратор пароли орқали фойдаланувчилар рўйҳатини ва ҳклар ўшандай маълумотлар жумласига мансубдир.



3-расм. Қидириш менюси ойнаси.

- “Тестни бошлаш” менюси – бу дастурнинг энг асосий менюси бўлиб, унда талабанинг диний мойиллиги даражасининг диагностикаси жараёни амалга оширилади.

Бундан ташқари дастурий воситамиз доирасидаги очиб берилишга қаратилган мақсад ва вазифаларни акс эттирувчи бошқа ўхшаш дастур ва электрон сайтлар рўйҳати мавжуд бўлиб, уларга тўғридан – тўғри ссылка орқали мурожаат қилиш каби қулайликлар мавжуд бўлади.

“Чиқиши” меню тугмасини босиш орқали фойдаланувчи дастурни тугатиши, уни тарк этиши мумкин.

Дастур қўриниши эса web сайт қўринишида бўлиб, унинг бош ойнаси асосан тўрт қисм: юкори, паст, чап ва асосий қисмларидан иборат.

Дастурнинг бошқа психологик дастурлардан фарқли жиҳатлари саволлар бир йўналишли ва примитив шаклда танланмаган. Ундаги тестларнинг ўзи беш босқичга ажратилган бўлиб, улар қўйдагилардан иборат:

- Вариантли тестлар** – тестланувчининг ички психологик ҳолати ҳақида, унинг характеристи ва хулқида мавжуд нозик нуқталарни очиб бериш учун хизмат қиласди. Бундай ҳолатлардан: унинг иродаси;
- Маъқуллаш мотиватсияси (ҳа–йўқ жавобли) тестлар** – тестланувчининг фикрида қатъийлик, оғувчанлик, ростгўй ёки ёлғончилик, қўрқоқлик каби хусусиятларининг қай даражада эканлиги кўрсаткичини аниқлайди;
- Суратли (агрессивлик) тестлари** – тестланувчининг характеристи ва хулқ атворида азалдан мавжуд бўлган ва маълум бир вазиятларга дуч келганида юзага келувчи жаҳлдорлик, яъни агрессия хусусиятининг нечоғлик эканлиги даражасини аниқлаш учун ёрдам беради. Агрессивлиги кучли бўлган шахсда мойиллик даражаси шунчалик юкори бўлади.
- Мантиқий тестлар** – тестланувчининг мантиқий фикрлаш қобилиятининг қай даражада ривожланганлигини очиб беради. Мустақил фикрга, ақлий савияга, яхши ривожланган ва шаклланган мантиқий фикрлаш қобилиятини аиқлайди.
- Шаклли ёки IQ тестлари** – бунда IQ, яъни шахсларда ривожланган интеллектуал ақлий қобилиятлари, мантиқий ва математик фикрлаш тезлиги даражаси ҳақида хабар берувчи антиқа ва жуда қизиқарли тестлар жамланган. (4-расм)

Test turi

5. Variantli:	Test: Vaqt: 00.02.35.
4. Mantiqiy:	1. Siz uchun hayotda eng asosiy bo'lgan tuyg'u qaysi?
3. "Ha" va "yo'q":	a) Iyomon - e'tiqod;
2. Shaklli:	b) Sevgi - muhabbat;
1. Suratli:	c) Sadoqat, adolat;
Chiaish	d) Bilmadim
	Tugatish

Orqaga ||| **Olsdinga**

Sizning natijangiz:

Sizning testni yechish tezligiz: -----

Sizning diagnozingiz: sizning diniy ong, bilimlariz pastso'rta voki vuaori'l savivada

Karakteristik	Yuqori	O'rta	Past
Aggressivlik	4.2	2.4	2.0
Motadillik	2.5	4.5	2.0
Ongllilik	3.5	1.8	3.0
Bilimlilik	4.5	2.8	5.0

5 –расм. “Натижа” ойнаси структураси

Тестларни бундай гурӯҳларга бўлишдан кўзланган асосий мақсад: тестланувчида қизиқиш ва шижоат руҳини ошириш учун.

Дастур веб технологиялар асосида тузилган бўлиб дизайн жиҳатдан фойдаланувчиларни жалб қилиши, интерфейсининг қулайлиги, бугунги кунда долзарб бўлган психологик диагнозтик маълумотларни таҳдиллашга мўлжалланган бўлиб JavaScript, JQuery кутубхонаси, HTML, CSS, PHP, PhotoShop дастурий воситалардан ва AJAX технологияларидан фойдаланилган.

Юқорида кўрсатилган метод тадқиқот мақсадида қўлланилади. Бундан ташқари баъзи психологик методлар синаш мақсадида ҳам қўлланилади. Бунда мақсад психология фанига, илмий билимларга бирор янгилик киритиш, Қонуният очиш эмас. Бу методларнинг ўрганилаётган шахсда бирор хусусиятнинг мавжудлиги, унинг тараққиёт даражаси, турли меъёrlарга мос келиши даражасини аниқлашдир. Дастурий тизим ёрдамида кишининг бирор касбга лаёқатлилиги, ақлий ривожланиш даражаси, билим даражаси ва ихтиёрий мойилликлари ўрганилади. Дастурнинг самарадорлиги уларни тузиш учун асосланилган методология, тест тузилишининг кўплаб талабларга жавоб бериши, ўтказиш шароити ва талабларнинг адекватлиги билан аниқланади.

Адабиётлар:

1. Каримов И.А. Асосий вазифамиз – Ватанимиз тараққиёти ва халқимиз фаровонлигини янада юксалтириш // Халқ сўзи, 2010 йил 30 январь. № 21
2. Лутфуллаев М.Ҳ. Олий таълим ўқув жараёнини такомиллаштиришда ахборот технологияларини интеграциялаш назарияси ва амалиёти (Информатика ва табиий фанлар мисолида): Пед. фан. доктори.... дис.афтореф. – Тошкент: ТДПУ, 2006. – 27 б.
3. "Педагогика ва психология" кафедрасининг к. ўқитувчиси Мавлонов Ж. Ҳ, Педагогика ва психология фанидан маъruzалар матни, Бухоро Озиқ – оват ва енгил саноат технология институти. Бухоро – 2005;
4. Анастази А. Психологическое тестирование. Стандартизированные тоды психодиагностики (тесты). Т.1.–М, Т.2.–М: Педагогика, 1982. С.114-119;
5. Рўзимуродов О. Н. Web дастурлаш фанидан маъruzалар матни. ТУИТ, Ахборот технологияларининг дастурий таъминоти кафедраси. Тошкент – 2011;
6. Джураева Р.Б. Структура и содержание «положения об электронном учебно-методическом комплексе дисциплины» // Материалы II Международной научно-практической конференции, Кокшетауский государственный университет им. Ш. Уалиханова на тему «Формирование профессиональной компетентности будущих специалистов в условиях кредитной технологии обучения: опыт, проблемы и перспективы», 22-24 апреля 2010 года. Кокшетау: КГУ, 2010. – С. 285-289.
7. Образов П.И. Методы и методология психолого-педагогического исследования – М.: Питер, 2002, – 512 с.